

金門志卷十一

列傳三目錄

武績

明邵應魁 洪公倫子附盧若驥族弟若驥同族恩附

朝許成 周全斌 康朝功 洪就 董方

李耀先 江永泰 陳邦光 蔡攀龍 陳元成

楊華 李光顯 邱良功 楊康靈劉求附林廷福

陳光求 文應舉 郭揚聲 黃振玉 吳建勳

蕭興邦 文成才 蕭南樞 林捷輝 許瑞聲

忠烈

金門志

卷十一

武績目錄

明陳顯 蔡希旦 張敏

朝李耀國 余壽陳邦材江順保孫蕭富子附國

胥獻珪子德恩孫曾元章 許攀桂 許法

李合成 黃志輝 邱成勳 劉高山 李高然紀附先

劉高崇 李啓明 許朝陽 楊天庇 彭奪超

邱聯恩 林茂生 郭秉衡 吳林高山興 李震龍



武績

邵應魁字偉長號榕齋金門所人幼穎慧弱冠操舉子業
邑試傾同士適俞大猷來視金門所募從之遊遂從業焉
嘉靖丙午雋武闈明年成進士同登武第自應魁始已投
所鎮撫贊畫南懸軍門賴多峒賊奉檄往諭皆聽撫中丞
疏薦其可大用乙卯倭犯浙應魁隸俞大猷幕下殲賊於
平望橋畔衢山告急趨赴蒲灣遇倭艘蠟起應魁率舟師
乘風衝擊子明至馬蹟剗甚猶裹血奮呼殊死戰賊潰去
大猷親為傅藥解衣仍令移師吳淞復應援嘉定上海江
陰等處而川沙寇之戰擒斬尤多嘗雪夜率三百人披蓑

金門志

卷二

武績

二

持火藥夜半潛抵賊柵風發火熾壁上下如堵大兵鼓譟
進焉賊多焚死旋督兵黃空港直衝賊艘炮弩齊發賊焚
溺死者無數餘寇遁走復設伏敗之追至乍浦沈倭艘二
以功陞南直隸遊兵把總又陞永寧衛指揮使未幾把總
圖山巡歷江海擊沈倭艇於三屯沙陞福建都司署都指
揮僉事將赴閩而監軍唐順之移書撫按請以閩銜領浙
直事專守江南倭闖入江北總兵盧鵬被劾詔獄波及應
魁遂解職既而劇賊曹一本橫行粵中總督吳桂芳請以
應魁系將屬惠潮提哨船不滿三十值賊艘百餘獨當其
衝乘夜截擊手射殺賊渠圍乃解復合諸軍破之旋被閩

巡按陳某所齷遂求去杜門卻掃校譬左史寄情詩酒性
孝友俸入恣兄出入不問金門有園林之趣兄心欲之即
移家永山而推宅與兄巡憲及郡僚行部往返輒枉車騎
得其詩乃去然未嘗有所十年七十六卒著有射法詩稿
行世府縣志清

洪公掄字廷揚號鼎銘後豐港人異世同居少儻有大
志壯年從其父北游津門咨訪邊事有惜筋議纓之恩已
而惜伯氏眉文南游雷陽渭文入副總兵楊應春幕公掄
累官守備萬歷四十二年屬有征黎之役制府檄五路將
分道進發諸將紛議劉撫公掄受應春命入刁港德霞諸

金門志

卷十一

武績

三

洞委曲撫諭皆悅服隨之出見應春受賞而去傳告隣部
駸駸向化兩廣坐營系將張萬紀欲乘其不備倖奇功實
夜進兵夷覺伏林箬以伺弩矢兩注師殲焉公掄憤氣激
景頌黎夷悔之歸其櫬子旭號念衷唐王時以軍功得官
鄭成功甚重之累官中提督封太子太師忠振伯次子暄
字調五為水澎遊擊節畱菴文集

盧若驥賢聚人尚書若騰胞弟以舉義授總兵官若驥騰
族弟崇禎間若騰官樞曹驥父文字謂天下扼塞要害兵
馬芻糗之藉盡在樞曹命驥就若騰京師謀求後歷任三
山長溪裨將治軍恤民聲藉甚唐王立於閩授遊擊將軍

從扼守盤山關者年餘旋受恢復閩浙之命血戰閩粵間
屢著勞績盧恩亦若騰同族從定國公鄭鴻造糾義旅海
上幹材敏練定國深倚之官贊畫通判晉昭毅將軍正總
兵都督僉事

采番菴
文集

許威字際斯號武巖後沙人康熙三年自海上率眾歸誠
授叅將銜屯壘南巖時三藩蠢動聞粵荆湖諸寇躡入江
右賴為數省咽喉威卒屯丁前後二十餘戰解甯都揚家
寨富江等圍復石城萬安泰和上猶敵眾等縣招撫偽將
巖自明等斬偽將陳昇數人以功授南巖總兵晉秩右都
督轉左復剿崖石寨降其魁朱明授拖沙喇哈番子世

金門志

卷十一

武績

四

城入 觀假歸葬親戚少遭亂失親骸至是匍匐悲號墟
莽間卒得其處旋移鎮襄陽道經武昌值夏逢敵之亂幽
閉城中身被四矢以計脫隨 大兵討平之 仁廟南巡
威迎見于宿遷駿賜箭傷甚 躡旋京挂總兵印出鎮宣
府屢隨征噶爾旦以老乞歸捐三千八百金修本色 文
廟及明倫堂鄉賢祠卒於家子廷瑞商邱知縣廷瑜通判
廷瑤常德知府 府 縣
周全斌字邦憲浦邊人有文武才略嘗為刀筆吏於漳州
後從鄭成功入海康熙元年兩島破海師立歸命全斌亦
遣子八賢福州軍所部從鎮海衛來歸封承恩伯四年薨

海將軍施琅統師討臺灣總督李率奏委以全斌副之至
青水溝遭風引還召回京屯墾外郡有從征羅剎之勞

外志系
家譜

康朝切僦居金門浦東為金鎮右營千總康熙六十年帶
戍兵渡臺適朱一貴亂戰敗難死死中以免及府陞為賊
所擒脫入黃菓寺為僧密製大清旗與把總周應遂輩
謀內應爭洩逃匿破柵六日寺僧密送食得不死大兵入
隨從殺賊克復鹽水港當時有言在偽國公戴穆處受汙
總兵藍廷珍乃言於利府為昭雪焉

東征集

洪就烈與人以經判外委從征朱一貴賊眾據鹿耳門炮

金門志

卷二

武備

五

臺疊發巨礮別遣小舟扼要來爭港道葛梅天險我師未
敢進就率善水者十二人駕小艇同先鋒軍前驅冒死因
入鹿耳門沿港插標大軍飛艘駢進轉戰皆捷遂克府城

歷官燭石遊擊

東征集

董方金門人朱一貴倡亂陞郡總兵藍廷珍統兵進剿方
以安平千總同守備林亮領先鋒軍賊目蘇天威率眾據
鹿耳門砲臺礮矢雨集方同亮率快船冒死直進專攻火
藥桶盡燬之賊倉皇陣遂亂方登岸奪砲臺天威敗入安
平鎮糾合鄭定瑞黨扼守海口兩先鋒奮勇前驅大兵繼
之克安平賊復擁眾來犯我師再戰皆捷賊嬰城固守近

村賊黨四出應援方鼓勇衝殺廷珍率兵夾擊仔鹹無算
遂復府治一貫率象遁去方及諸將窮追之於大穆降及
灣裡溪月有潭等處至溝尾庄始擒獲焉方驍勇敢戰與
亮功最偉故廷珍露布文有云忠勇冠乎三軍雄威溢於
十旣非虛譽也累官閩安安平副總兵東征集
李耀先古窰頭人多膂力乾隆間嘗緝獲黃崎土盜累擢
廈門前營守備歷廣東海門乘將陽江副將補虎門鎮總
兵入 覲適有御史奏昇平日久營員率悞懦不習武事
侍衛某以健聞名奉 命角藝勝之 上悅賞戴花翎調
任雷瓊鎮子思高守備孫成龍把總

金門志

卷二

武績

江永泰後浦人籍隸海澄乾隆三十五年臺灣大穆降在
奸民黃教謀亂樹旗岡山永泰隨官軍剿捕屢戰有功協
擒賊首鄭純黃芳等累官金門右營守備署左營遊擊子
明澎湖把總

陳邦光後崎人為臺灣北路營千總林爽文之亂起事於
大里找地距鹿港不遠眾民林湊倡眾起義邦光率百五
十兵相為特種擒賊黨劉志賢鹿港得無恙時內地尚未
知賊信有同鄉諸生為草檄告變且言邦光捍衛狀徑由
海船遞達福州制軍據情入告得 旨以都司補用
蔡攀龍字君寵號躍洲平林人狀貌雄偉聲如黃鍾少貧

捕魚為業負販入市市翁異之妻以女為製戎裝俾就募
歷拔廈門提標千總方汎玉洲賊來劫社率所部殪諸河
鷺江賈船被掠駕快哨扮商人誘獲之擢守備遷遊擊行
保甲法禁網播有碍舟行者釐鹽積弊虧科嚴檄足之民
德焉親澎湖遊擊乾隆五十一年林爽文亂作同知楊廷
理告警於澎即日率師渡郡衆心乃定遂於郡南二里許
濬溝築壘未就而賊擁至擊龍不為動會楊廷理率義民
出城夾擊破之賊復四面縱火攻城擊龍領兵急擊生擒
陳元葵茂等郡賴以守明年隨總兵郝壯猷征南路賊莊
大田克復鳳山旋調回守郡鳳山復陷南路賊來攻郡擊

金門志

卷十一 武績

七

龍出禁桶盟棧賊盡攻夜襲急曰但勇若人府城唾手破
乃傾眾圍其寨擊龍橫陣衝殺所當披靡賊衆亦奮勇鏖
戰擊龍胸被刃傷血流被地尚能任馳突自卯至酉賊賊
數百黎明復戰走之將軍常青附其背曰虎將也一日賊
用鳳山所獲官印請濟帥頃刻間羽書三至擊龍結隊行
入蘆薄巷賊突起圍數重奮刀鞭馬躍出得脫既而南北
路賊集攻府城其黨在錫舍密謀歸正擊龍與楊廷理乘
勢急擊追奔十餘里進克南潭擒偽元帥王坑即等以歸
時總兵柴大紀駐軍諸羅以虛實奇正生剋變換不測制
勝擊龍駐軍郡南以四塞士形扼險攻瑕制勝比奏功超

授臺灣北路副將旋借副將貴林等救諸羅取路鹿仔草
師行秋霖中衣裝盡濕鎗礮莫施貴林及諸將弁陣亡獨
攀龍與系將孫全謀安圍出初攀龍慮東北路徑窄菁深
易埋伏議從笨港折入諸羅眾不聽故敗攀龍旋群與大
紀同心固守孤城得全及大將軍福康安嘉勇侯海蘭察
統師至始解圍已受困六閱月仍帶兵會剿於小半天大
里找集集埔及南路憑險負固者皆就擒事平擢海壇鎮
總兵未行改臺灣鎮總兵陞福建陸路提督 賜強都健
勇巴圖魯名號及花翎頭頂獨優加系贊大臣圖形 紫
光閣借補狼山總兵 乃對詢征剿情形令即在軍機房

金門志

卷十一

武績

具奏便道詣勘山東商艘劫案且摺繪圖貼說並獻防海
策旋署江南提督督學劉權之與談當年勞績作戰馬行
贈之居東時有贈金欲拜為誼父者固却之人尤服其操
尚平年六十一蔭一子官 臺灣縣志纂
誌案續合纂

陳元成董林人由金門鎮標入伍調戍澎湖林爽文作亂
遊擊蔡攀龍帶兵東剿元成以善燃紅燄礮方領烏鎗隊
奮著戰功拔外委臺灣群城急攀龍回守禁梟盤棧賊必
欲得之危迫聞用詭計礮殲賊千數記升把總一日群賊
迫奪其礮元成被刃佯倒地俟賊迫負痛躍起碎礮去斃
賊無數城內兵出應之賊潰遁將軍常青 奏列首功賜

白金擢澎湖把總鳳山再陷從攀龍南下連戰皆捷轉援
諸羅途聞遇伏才戰隨攀龍潰圍而東尋赴圓林中藍搜
庄至六卡殿擒林周等再赴湖口山僻搜燬賊藪擒股首
董財拔十總賊平歷署廈門提標守備乾隆六十年帶戍
臺兵東渡適鹿港匪徒陳周全滋事奉檄堵截事竣官駕
師船隨黃巖珠總兵於銅山蟹壳灣擒海盜羅蘭等復於
橋頭等庄獲盜鄭宗等奪盜船三補銅山守備署遊擊卒
子朝宗官千總署安平左營守備續

金門志

卷十一

武備

九

楊華字良淵號鳳山湖下人為廈門前營外委從征林爽
文前後八戰獲賊最多嘉慶元年陞海壇守備先後擒盜

百餘奪船八奉檄護送琉球貢船至五虎洋擒盜蔡老等
奪回被虜水手逸盜陳阿包招集亡命四出劫掠勢甚張
剽之白犬洋擒阿包伏誅補闕安左營都司擒盜陳才復
獲盜首許趾補狼山左營遊擊累遷京口副將陞蘇松鎮
總兵署江南提督乞休歸卒年八十二子武鎮都司署澎
湖副將

李光顯字鑑亭古窩頭人官臺協右營把總以征林爽文
功賞戴花翎海寇竊發身經二十九戰擒七百二十餘
盜撫降四百餘攻獲四十五艘歷任温州黃巖定海總兵
官署浙江提督補廣東水師提督卒於任案續

邱良功字玉韞號琢齋後浦人襁褓失怙長從戎為金鎮
李芳園所器時海寇蔡牽朱瀆等竊發土匪響應良功追
剿劇盜蘇尖等於銅山復於烏尋洋湄洲南日祥芝各海
口生擒無算補把總嘉慶元年從遊擊魏成名擊深滬盜
艘追過澎湖青水溝擒陳明等明年盜聚牙口灣擒陳三
貴於祥芝擒張阿四於將軍澳以勞績蒙 御賞雙武碑
殊圖其姓名蓋異數也擊賊海壇擒鄭梅等再戰擒吳杆
等臨震澳殲絕賊常出沒其間四年秋率師數搗之游
陞守備遷遊擊署叅將護副將十一年蔡牽以朱瀆擾北
路突入鹿耳門攻臺灣良功率兵會剿出不意以攻之殲

金門志

卷十二

武績

十

其眾於洲仔尾轉由北汕與提督李長庚夾攻牽船幾獲
會潮漲逸去乃率舟師至大雞籠進剿朱瀆沈其艘牽再
擾鹿耳門良功衝陣賊敗遁去疏入 賞戴花翎加副將
銜逾年追朱瀆於鹿尾瀆東窠入雞籠洋值潮退守港口
困之南澳總兵王得祿率師夾擊瀆遁番界窮追抵蘇澳
燬其巢叙功一等晉安平副將擢定海鎮總兵未赴任而
蔡牽勢仍張提督李長庚戰死授良功浙江提督代統其
軍在定海旗頭洋追獲牽夥盜船殪其眾跡至漁山外洋
偵賊中綠頭大艘者牽生船也揮令諸將擊散餘黨自以
生駕專攻之得祿亦率閩師至連夜追過黑水洋良功股

被礮傷裏創極數督戰益力忽率船大蓬里良功帆上船
幾沈軍士多落水勢急甚極指揮奮擊賊船遠壞得祿死
攻之率落海死其妻及賊夥二百五六十人並殲焉生擒
胡有均等提聞晉封三等男爵世襲 賞賚有差旋追餘
盜剿土寇生擒郭淺等於漁山再擒細盜於馬蹟洋等處
盡散其黨俘莊姜等八十餘名海氛以靖入 覲道卒維
揚授建威將軍予祭葬謚剛勇良功性恬謹謙以下人廉
以飭躬事節母甚慎母病嘗羹從戎後以樓櫓為枕算波
濤為之庭專浙閩九年文檄章疏動中窾要謝絕上壽閑
筵張樂事浙西多餉糶當春行部戒毋聲炮養蠶家密祝

金門志

卷十一

武職

焉窻波府試諸生詳知府請兵不從會 欽使至餉以猪
羊百頭使語來并云提軍廉安辦此其貸來耶令發回其
清名著聞如此卒年四十九子聯恩襲爵自有傳嗣子聯

奎候補布政司理閑行稿案續

楊康靈後浦人以行伍起家魁梧奇偉最習海上事積功
累官千總署海壇守備從提督王得祿剿賊黑水洋之戰
蔡牽正窘忽一艘飛帆至康靈指揮軍士邀擊之沈其艘
賊眾皆覆沒轉舵回王邱二提督追擊船牽沈死生擒陳
盼二十餘賊叙功 賞戴花翎超補海壇遊擊轉領山東
將陞瑞安副將將赴任卒子騰蛟外委千總康靈每接伏

痛飲登尾樓指麾艦師不避礮石當時有五虎之名康靈
及林廷福黃志輝劉高山各有劉求生督水師飛將求生
水頭人短少精悍臨陣輒持火器登桅尖擲入賊舟所當
靡爛均為諸將冠蔡章嘗陷以萬金不為動鎮帥知益重
之性踞齧不羈以千總終

林廷福字錫卿號受堂後浦人嘉慶初數獲海盜拔千總
蔡章攻臺灣大兵東討廷福隸總兵許松年麾下戰擒
林望等沈其舟登岸燬賊巢奔回舟夜又隨大軍駕小船
縱火焚賊四十餘艘死者千數旋從提督李長庚追擊蔡
章幾獲又會捕朱瀆於閩浙粵洋十二年冬從許松年追

金門志

卷十一

武職

十三

朱瀆於廣東之長汕尾連環轟擊之擢守備剿駱仔盧等
百餘人復於柑桔洋生擒劉貴等叙功一等監造金州戰
船補天津營遊擊以缺裁改海壇遊擊護副將時鳳山滋
事帶兵赴臺搜獲賊目吳賜徐相等誅之嘗扮漁艇誘獲
土盜尋調澎湖遊擊時臺灣閩粵民不靖領兵渡臺搜獲
陳愿各匪犯西螺堡有盜魁林溜者計誘之來厚款之即
為申請授官溜喜然身猶懷又忽言曰世無利器溜解一
又獻熟視笑曰頑錢也擲諸地復解一又獻擲如前徐自
出一劍曰是乃豐城寶耳他日以昇汝自是口同卧起溜
喜過望而廷福已飛蝶總督謂溜羽翼多若檻車起解恐

要奪激變因置酒邀溜佯賀曰朝來牒下即官汝矣令畢
美其衣服往而沿途設伏甚嚴及見總督問汝林溜否方
應聲是則首已落矣其徒見有備散去遂以卓異遷焯火
系將署閩安副將卒廷福鯁直不畏強禦嘗言風雨晦冥
賊必伺間出沒輒假扮商漁誘就縛且令賊黨相顧懾為
疑兵也每臨陣必自行振舵疾驅奮擊敵所向有功任澎
湖時常苦旱倡建龍神祠為祈報民德焉子樹梅別有傳
業續
行狀

陳光求字耀臣號蕙圃後浦人乾隆間從戎金鎮先後擒
盜甚多授把總嘉慶元年盜掠石浦米艘追而俘之獲所

金門志

卷十一

武續

十三

掠米制府檣炮及鎗劉嘆喜鏢鎗為海上患亦被縛由是
賊震其名旋從李長庚追艇賊鏖戰崇武外洋勝之復率
師于蓮河莊山之賊擒吳壇等四礮洋之戰發大礮殪持
舵者乘勢斫殺執巨魁陳標奪其船遂由千總補守備再
從李長庚追蔡牽獲李昱等於吊枋洋羣族子蔡天來分
路肆掠一戰擒之檄回營防守前後梟許包囚方溪轄洋
以靖未幾率黨亂入浯洲港光求率快艇迎擊腹被鎗腸
出暈仆地遠起來其腸跳過賊船砍斃之賊舉船賊眾盡
獲起出硫磺七千餘敵事聞傳 旨褒嘉 御筆硃圈其
姓名給功加劉先換遊擊頂戴補遊擊署金門右營遊擊

緝獲土盜鄭類等奉檄隨福甯鎮項統軍梭巡金廈銅南
間堵截張保仔各艇賊於大相擒陳成宗復擒林阿冥於
蠟壳灣嘗正月朔日戒軍士曰此擒賊時也賊醉舞隱灣
可擒捕之果於龍虎典七星洋懸鐘洋擒王獠等各賊目
擊碎多船自是粵艇不敢闖入閩界又扮商出埕口洋土
盜許志飛帆來襲奮擊大獲檄署焯火京將仍回廈門遊
擊任超安平副將未赴署銅山系將唐沙五幫伺劫壁頭
洋擊之追及小麥洋多所俘獲謀知店俘灣北江賊艇出
沒乘夜搗之自蔡牽朱墳殲後餘盜黃茂猶張光求再搏
擊之茂窮竄過臺洋制府令赴安平副將任專堵截既抵

金門志

卷十一

武績

十四

臺捕之嚴遁去旋授定海總兵土盜李阿富伏道入港遣
將芟除殆盡尋謝病歸道光五年起補蘇松總兵借署京
口副將回蘇松任復告歸光求修髯偉幹力能舉三百觔
侃直無別腸喜文士疎財重義葺祖祠置祀田浦西南有
通衢泥濘沒脛為砌石隄人免病涉修義塚累千數解衣
推食其小也卒年六十八子省三附貢生

案牘

文應舉字君賢號矛山先世粵人曾祖際高歷官京將先
為金門遊擊因家後浦嘉慶元年應舉以外委從總兵李
南馨在深滬擊獲謝心等賊又偵將軍灣有賊艇急請南
馨圍獲之欲功一等由是獲陳桂於賊俘灣獲詳社能於

蘇尖獲盜呂送於大墜而大礮洋之捷功尤多洋匪朱卑
出行劫應舉賊之古雷洋攻沈一舟餘眾遁或告以窮寇
莫追應舉不捨直搗宮仔前奪舟四盞覆其黨蘇禮匪船
出虎頭山掩擊之生擒七名奪船一放回被劫商艘浙師
李長庚總其能檄往浙跟緝青龍港之戰奮銳擒彭求多
名長庚之回閩屢委授其著者湖仔角蠻克灣宮前古港
皆多俘馘游升至廈門右營遊擊駕船赴金州補天津大
沽系將遷廣東海口副將道光間擢揚江鎮總兵調瓊州
鎮予告歸年六十卒從子成材守備士輝千總
郭揚聲字騰鳳後浦人七歲入塾嘗指揮群童戲為列陣

金門志

卷士

武績

十五

狀以糖餉作軍餉散給必均師苛之曰此兒將來必以武
略顯既長性豪放不羈入金門右營編伍戍臺灣補營外
委遷把總道光三年提督許萬齡巡臺檄補內山賊魁林
永春並馬麟山洋盜擒之護理艦舢及滬尾守備張丙等
倡亂揚聲於雞籠張犁莊擒逆黨蔡歡陳硯等誅之擢安
平千總補澎湖守備護理遊擊事旋以歷任在洋獲盜功
賞戴花翎越級升補遊擊駐守鹿港漳泉分類械聞揚
聲建議謂勿縱兵以擾良民勿過激以釀巨禍當道題之
遂親履各莊召鄉耆諄諄勸諭餘黨皆知所警時奸匪乘
機搶掠難民赴鹿港號救無虛日乃倡率紳殷捐貲賑恤

親率弁兵會知府全卜年彈壓安撫事甫定而颶風為災
海水挾大雨咸漲下湖更甚復設法查恤死者瘞亡者歸
活二萬餘人署澎湖副將移署安平協副將安平緝捕尤
繁而兵缺口糧揚聲會商知府以嘉慶十七年所存部帑
生息源源接濟由是眾益用命相謂曰嚮來月餉必攤扣
至是始免真造我於無窮也乃奉揚聲祠位私祀於安平
武廟總督劉韻珂以揚聲材奏請越級超擢安平副將亦
異數也揚聲雖起家戎伍恂恂有儒將風於文員不存矜
域遇事必虛心察詢先後在臺澎二十九年熟悉南北洋
務及盜蹤出沒遇有緝捕往必獲待下嚴而有恩故所屬

金門志

卷十一

武職

十六

樂為用撫群李恩誼甚篤歲割俸廉養贈遇文人心折節
敬禮焉後以升任副將入 覲順途回籍葬母卒於家年

五十有七

墓誌○以下續修

黃振玉字金聲英坑人乾隆間歷官揚州參將預保水師
副將署海壇總鎮兵有清聲請終養歸迨父母卒後 朝
廷起用不復出海壇人為建祠私祀之

吳建勳字晶齋原籍永定縣祖亮興移居後浦嘉慶二十
三年建勳充金門鎮標右營總辦赴戍臺灣拔外委班滿
回遷金門千總廈門守備迭護理前營右營遊擊屢獲洋
盜周吃等擊其船燬其巢題補遊擊復於紫泥社等處獲

吳生毛唐漢林賍周交各海寇以功題升參將署閩安城
副將總督鍾音保奏堪勝總兵之任十九年入 覲召見
三次交軍機處記名累署海壇金門定海總鎮兵嘗坊商
巡緝湄洲外洋獲盜無算擢廣東水師提督時海氛告警
靖逆將軍奕經派守永清門旋以夾板退出繳還炮臺飭
赴新任并揀帶水勇前往虎門查收各炮臺適張斌師船
失事閩防砲械被盜搶失建勳即出洋分派將弁追至洋
浦北藜獲盜犯吳祖帶等復在洲墩狗頭山及儋州一帶
先後擊沈賊船生擒譚保多名九月盜首梁亞喬吳亞美
等帶船十隻率賊夥投誠尋平班師而總督祁嶺已以廉

金門志

卷士

武績

十七

州辦賊功奏保副將賴恩爵等建勳遂據實互奏 報聞
建勳論事剛直性清勁不可以私干嘗議猪頭山不可建
砲臺宜於山左沙担為便與墳意見不合恩爵曾囑為保
舉願以萬金為壽建勳拒之恩爵慙懼遂與墳子相結至
是墳參奏建勳操防不力奉 旨降為副將留粵補用又
參奏建勳前議猪頭山砲臺及山左沙担俱無庸建設指
以為罪嗾建勳所草書識何龍韜摹擬建勳手書函稿為
左證建勳疏辨會恩爵接署提督委任屬員煅煉成獄建
勳欲再疏請申理不得達乃誣服遣赴軍臺効力後奉
赦回籍卒於家 文翔清堂

蕭興邦字績齋後浦人原籍隴縣祖富死林爽文之亂給
世職父國華同安營守備嘉慶十八年興邦襲職歷隴安
守備都司道光初年在羅湖洋面獲白底盜船擒洋盜陳
成等卸任從提督許松年赴臺灣辦北路械陣獲犯甚多
得優賞署海壇左營遊擊補金門左營守備署遊擊先後
在興頭岸尾五堡厝許灣口槐窠輞川前營灣等處獲盜
林顯劉順邱業劉懷李臨陳雍何杯林文等旋回守備任
即督船巡緝於小嶼坡口擒周體等又先後獲劉眼及黃
雲李必成於謝厝港東會晉江知縣圍捕洋匪張赤邱飯
陸續獲其船每隆冬巡緝不輟等處實康對曹降楊理何

金門志

卷十一

武績

六

燕黃勇劉永俞各賊目總督程祖洛委護左營遊擊又以
興邦才具明練緝捕勤能題升廈門後營遊擊時海盜熾
甚興邦接到部覆日日在洋剿賊大小二十餘戰上至浙
江東基洋面南及汕頭先後獲盜百餘名船隻器械無算
引見領劄回任檄署銅山參將派千總莊維超扮商巡
緝在汕頭獲陳蒲等復會同各營官兵赴燈火塔等洋盜
吳蚶等多名姓回遊擊任奉派統帶師船督緝以在洋多
年染患濕氣因病乞休歸年甫五十咸豐三年卒於家
文成才字子弼千總應彩次子總兵應舉經嘉慶七年充
金門鎮標戰兵屢隨軍巡洋剿盜船於北椗洋擒曾廷等

補外委撥赴臺灣換防總兵武隆阿以成才年力壯感烏
鎗熟習遷澎湖把總署本營千總道光元年補福甯千總
署焯火門守備題補閩安左營守備引見回營護理海
壇右營遊擊管帶兵船出洋巡緝曾於福清莆田兩屬擒
逸匪林季文陳舉黃泳黃安多名臺灣張丙倡亂總督程
祖洛渡臺檄成才承領餉鞘東渡抵臺運赴軍前事竣擢
安平中營遊擊在任病卒

蕭南樞字杓齋後浦人少讀書通大義家貧從軍充鎮標
稿識總兵實振彪延為記室振彪官廈門提督奏摺書檄
多出其手每巡洋必與俱料敵決勝前後獲盜無算道光

金門志 卷十一 武續 十九

間補廈門千總振彪嘗欲為請獎藍翎辭不受以讓諸將
之有功者時洋匪江扁鵠最悍南樞以計招之扁鵠亦雅
聞其名遂由南樞請降全活無數以功署廈門中營守備

卒於任年五十有二
林捷輝字齊甫後浦人父俊元金鎮稿識屢隨總兵陳化
成實振彪巡洋風潮沙汕靡不熟悉先是母舅劉高山官
淡水把總攻捕洋盜歿於陣上官將以他故誣陷捷輝次
兄穆如時在臺灣據實申理事得白如例優恤高山子紹
勳襲職捷輝長兄焜熿憐而養於家為延射師購良馬命
同捷輝習射遂皆以善射知名時海寇蔡朱既誅其黨尚

夥捷輝屢隨軍剿捕積功補金門左營千總嘗帶師船追擊盜船至深水外洋自起操舵犁擊兩船並以剗鈎鈎之短兵接巨礮無所施捷輝擲火藥礮於賊船紛紛落水我兵亦傷乃拔劍大呼曰隨我過船得賊資悉以分給我兵帶傷齋奮忽大風捲浪鈎折賊船得乘勢颺去捷輝恨甚略血得疾歸病亟猶大呼殺賊以手擊牀作鼓聲而卒年僅三十有四家乘

許瑞聲後浦人副將揚洲之弟道光二十年由金門左營戰兵調赴臺灣拔補額外署外委曾在浮鷹洋擊沈盜船十二生擒陳圭等補銅山營外委遷把總署千總臺灣林

金門志

卷十

武績

供滋爭隨本營遊擊王國忠渡臺剿捕擒股首黃再基等誅之賞六品頂戴後隨遊擊李朝安赴嘉義防堵擒匪徒吳對等凱旋回營總兵連科保舉剿捕出力得 旨以守備儘先補用小刀會黃位匪船逃竄澎湖洋面瑞聲追至西典外洋獲劉烏目等多名遷滬尾營水師千總調補澎湖左營千總歷署澎湖安平守備同治元年戴湖春陷彰化縣攻嘉義甚急瑞聲奉檄帶兵赴嘉義與知縣白鸞卿相度要隘安置砲位派兵固守旋聞賊首憲虎晟率眾來犯勢張甚即與副將王國忠出城迎擊斃賊多名隨機堵剿城賴以全提督吳鴻源委署安平中營遊擊賊平叙功

以遊擊儘先升用卒於任年僅四十餘歲

金門志

卷十一

武備

廿一

忠烈

陳顯 號南海陳坑人 洪武壬子經魁知德州調直隸北平
州太宗時為燕王廉其才辟掌書院嘗乘奕諷諫旋以病
告歸靖難初遣使召顯夜沐浴具衣冠再拜而死祀忠義
祠以府下縣志

蔡希旦字可久號中溪平林人習儒業弗遇才農以養親
父病衣不解帶禱以身代父歿水漿不入口三日殯祭悉
遵家禮嘉靖庚申倭夷內訌念父未葬儲二弟趣嚴具自
操杵鋪成墳至指盡血既裏事而賊愈迫里中合誼禦之
推希旦為首悉括丁壯得二百餘人晝夜巡警親勸督之

金門志

卷十一

忠烈

廿二

數日賊大至眾相視無人色希旦挺身出眾從之賊揮刀
引騎衝其胸十砲齊發眾奔希旦立不動已而賊三道繞
其後眾莫應者遂死焉年甫五十希旦謹嚴仁厚嘗讀書
野寺一婦夜歛門不納寺有小僧累年其師素潔不敢近
已就木矣希旦探其懷微温矣而起之旁舍媼無子嘗向
希旦乞食一日媼不至希旦曰公病也遣子往視則卧簞
億甚復持粥粥之媼病尋愈族有悍子忤繼母至啣其臂
父怒縛媼沈之希旦曰子無狀誠當死然亦念其母且人
其以為惑後妻殺前子也引至祠堂拱而與更新子因感
激改過及遭難知不知無不流涕後以子守愚貴贈主事

晉贈四川按察使府志節

張璘光號義山青嶼人磊落自豪讀書有獨得年二十冠
童子軍補色弟子負踰年餽於序崇禎之季時事日非自
傷不能借箸報國每劇飲大醉慷慨悲歌或繼以痛哭甲
申之變絕粒數日不死持巾擲歎曰太祖遺諸生巾自冠
臨朝三日取前庶人後三公之義為諸生者獨不可以三
公之義自効乎自擲髮投井中水淺僅沒其半乃俛首就
淺水中死聞者奔援之不及猶見其屈身就死狀時年二
十有六曾孫時霖乾隆甲子舉人述其事京中公卿及同
鄉紳士各賦詩為贈標曰表微錄太史南昌萬孺菴武榮

金門志

卷十一

忠烈

廿三

洪良堂序之府縣志節

張敏字輔德青嶼人正統乙巳沙尤寇起敏季父益彬集
里中人保障為仇所誣逮長者戍軍幼丁閹割之敏與其
兄張慶張本俱被閹送詣京師稍長選入內庭敏雖幼而
言動舉止迥異常兒英宗擇為青宮近侍事憲宗恭慎無
過憲宗崩位敏旦夕左右至子夜輒起以侍有所聞見未
嘗外洩外廷諸事概不干預忠謹之名溢於宮禁嘗奉命
操練騰鑲四衛官軍兼理十九房馬政監督五軍大營未
幾賜璽書總督十二團營敏持法嚴而能推心體下士卒
懷畏前後賞賚若書籍圖畫蟒衣玉筯金鞞之類不可勝

數又於常廩外歲給米三十石特除其家戍軍籍五處召
工圖其貌用璽識歲月敏兄本以御馬太監守備南京慶
以司禮太監鎮守浙江諸子暉鴻臚寺卿苗太常寺卿先
是憲宗春秋高未有子萬貴妃專寵而妬後宮有孕者皆
墮之悼恭太子亦遇害帝偶行內藏紀太后以嬪御守藏
應對稱旨得幸有娠萬妃知而恚誚居安樂堂生孝宗使
敏溺焉敏驚曰上未有子奈何棄之乃藏之他室加意撫
養紀太后乳少敏時袖粉餌哺啜萬妃曰伺無所得時吳
石廢居西內近安樂堂常往來哺養帝自太子薨後久無
嗣一日召敏擗髮照鏡歎曰冉冉矣而未子敏伏地稱死

金門志

卷士

忠烈

廿四

罪曰萬歲有子也帝叱曰安得有敏曰奴言即死萬歲
當為皇子主帝大喜即日幸西內遣迎皇子擁至階下髮
披地走入帝懷帝撫視久之悲喜泣下曰我子也類我使
赴內閣具道故群臣入賀頒詔天下移妃居永壽宮二十
一年敏疾帝遣太醫診視訃聞震悼遣司禮御馬二監治
喪賜寶鈔二萬貫冠帽牙牌玉帶祭二壇戶部給齋粮麻
布工部造墳及孝宗立追賜敏璽書官其姪苗南通政使
質至錦衣衛指揮同知管衛事暉亦以慶蔭官光祿寺少
卿食三品俸賜敏塋地通州三百畝守卒二十人其後有
錦衣千戶張鵬張臻百戶張宏恩澤之盛大璫所稱苗子

定登進士 翔志府

李耀國汶沙保山前村人澎湖左營守備康熙六十年赴
臺灣督造戰船適朱一貴作亂回澎率兵勇隨師往剿戰
屢勝追賊入庄被圍賊斫馬蹠斷徒步接戰中斃幾陷軍
士奪回郡城斃發而死已題授安平遊擊署升銅山參將
未任事聞 賜卹加恩襲騎都尉 家傳

金門志

卷十

忠烈

明賊四面環圍壽率藤牌兵直搗東北角射殺執旗賊賊
稍却忽有中流矢拔去之負創再進不數步暈仆猶連呼
殺賊而死 賜卹予祭葬祀昭忠祠世襲雲騎尉因替子
世恩世輝相繼襲又金門人同陣亡者安平中營千總陳
邦材金門右營把總江順保澎湖左營外委孫文元安平
右營外委陳必高文元以援諸羅死於鹿仔草必高以援
鳳山戰死並 予卹襲

蕭富聞縣籍居後浦為金門後營外委從征林爽文隨副
將丁朝雄防堵海口南路賊攻郡城協才禦却之將軍常
青攻南潭命為前鋒夜半用疑兵綴賊賊果疑回回分禦

富密碩健卒從在後掩擊大隊軍亦會遂克南潭旋以北
援諸羅戰死鹿仔草 賜卹世襲雲騎尉子國華襲任同
安營守備孫興邦繼襲自有傳

胥獻珪號元圃後浦人為廈門後營千總署澎湖左營守
備乾隆五十一年林爽文亂帶兵渡臺隨遊擊蔡攀龍北
援諸羅師至半天厝遇伏陣殞見攀龍生焉重創急換騎
賊大至衝突不能出力至被執喻降不屈賊怒支磔之事
聞 賜卹世襲雲騎尉獻珪善草書素質直能急人因為
浚水把總時友人黃三貴被誣擊已經年乃白諸有司得
釋又有傅姓者負民錢三百緡債家索急將尋死竭所有

金門志

卷二

忠烈

其

代償之子德恩襲任本省陸提右營守備署安海都司奉
差買馬值河決馬溺行至中途死孫貞咸襲任至廈門守
備署遊擊能詩

曾元章後浦人守備翼成子為金門左營把總嘉慶八年
帶兵戍臺舟至料羅遇颶風失維漂至台州擊碎沈沒廬
一子把總

許攀桂石浦人安于中營把總海寇蔡牽竄入鹿耳門攀
桂分駕快船力戰被賊砲焚死海中廕一子外委附祀石
浦昭忠祠

許法官鴻人嘗從征臺寇林爽文歷官廈門左營千總蔡

率滋擾臺灣隨師東征屢戰夜耳門賊遁去帶撤回兵內
渡漂沒廢一子把總

李合成古窰頭人安子左營外委嘉慶十一年夏自北溪
水大雞籠徙副將卞良功攻沈朱瀆黨巨艦蔡牽入鹿耳
門協力禦却之復擊朱瀆戰死滬尾洋 賜卞襲如例祀
石浦昭忠祠嗣子秋香襲

黃志輝石浦人聚將載老從子負摠畧能戰隨剿南北洋
積功累擢焯次門守備題升金門左營遊擊未任嘉慶十
二年從總兵許松年追朱瀆下南灣至長汕尾及之首壓
賊艦奮擊賊艦壞志輝船亦撞碎我軍撈救猶擊住舵樓

金門志

卷十

忠烈

廿七

大呼我死不足惜急擊勿失候為巨浪捲沒瀆亦獲誅事
聞 賜卞世襲雲騎尉祠後浦昭忠祠子忠貞襲任三沙
遊擊

卞成勳後浦人提督良功從子以白衣効力行間嘉慶十
四年秋良功追剿蔡牽於漁山兩船比短兵接成勳奮身
格殺中傷落海淹沒牽亦斃事聞 加恩照把總例 賜
卞世襲雲騎尉

劉高山字文錫號止亭後浦人寄籍聞縣少讀書見海寇
曰熾乃去從戎精習海上事嘉慶二年隨總兵李南馨剿
賊於佛堂灣血戰受傷土豪侯沛等率棹入海拯濟無敢

往捕高山夜逸壯丁突入臥室縛之蔡牽出烏坵逐商艘
高山追及之五堡陣方交有女盜裸而受砲砲噴高山亦
裸擊之蔡牽脫去奉檄分扼將軍灣遇南艇張阿四陳六
殲之哨至海壇得其目吳杵從攻艇賊於蘇尖賊圍南馨
船高山直入殊死戰親擒黃有喜拔外委杵遇賊於廣東
汕尾焚其艘生致粵賊吳營從遊擊陳名魁擒賊黨董永
等名魁薦於鎮或讒其使酒文不遷官旋從擊朱潰於南
灣長汕尾我師少衆心動高山犁舵直進諸船競奮乘風
飛擲噴筒賊多燭潰中創死又殪蔡牽義子並擒陳成等
多名補經制外委掩擊鄭敏於龍虎嶼賊泊店仔灣天寒

金門志 卷十一 忠烈 共

港險高山乃飲軍士酒人一鷓曰心悸者退衆踴躍乘潮
進奪其艦以歸先後擒賊無數多擄白金尋調赴海壇轉
聞安戍安子始拔把總再戍滬尾船遭颶夜漂至靖海擊
碎釘夷右股昏黑泗水得生道光元年同守備陳得揚外
委林應昌哨噶瑪蘭洋突見白底盜船蔡牽餘黨也約左
右夾攻賊竄入碗光灣灣下皆鹵古石舵師怯高山拔劍
叱之自刎艇攏擊持巨斧手刃數賊賊忽火至猶自搏戰
力盡而死遊擊擬以贖夷商艘被害報高山中表林穆如
陳狀當道事得白賊旋就獲當奉命磔祭之事聞奉
旨陳得揚等救援弗力致把總孤船無應各謫戍革職高

山用副將例 賜卹昭忠祠世襲雲騎尉周替高山性坦
率疎財負氣屈於數竒生平功多為人所奪與楊康靈等
號五虎皆海上飛將也子紹勳官至廈門後營遊擊以軍
政罷歸 案牘

李高然古窩頭人金門鎮標千總署守備紀光壽後浦人
把總調戍安平道光十二年十月張丙倡亂嘉義總兵劉
廷斌帶兵赴援高然等隸安平副將周承恩麾下軍至八
漿溪賊求圍承恩以救廷斌力戰殿後被賊刃高然方與
賊戰見承恩墮馬棄賊前救左臂為賊斧斷大呼奪賊斧
斫賊應手倒賊圍之被執高然大罵不絕聲賊醢之光壽
金門志 卷十 忠烈 廿

亦關死並 予卹襲
劉高崇郭廷邦皆後浦人官經制外委戍於臺張丙之亂
隨守備蔡長青解軍器仗藥赴嘉義至曾文溪屯溪北賊
分股襲劫官兵猝不及戰回至溪不得渡為賊所戕並
予卹襲

李為明楊肇基俱金門人官廈門把總道光二十一年海
氛之役總兵江繼芸赴水死為明等俱殉焉事聞 賜卹
如例 散雲 文松
許朝陽後浦人遊擊鵬飛長子屢隨提督寶振彪在浙江
擒洋盜補廈門後營外委咸豐三年小刀會匪黃得美竄

據廈門朝陽駕船隨提督施得高討之於蓬嶼開砲攻擊
斃賊無數忽被賊一砲打断雙股猶大呼殺賊者二而亡
年二十七事聞 賜卹世襲雲騎尉祀昭忠祠 生員林章
修 下續

揚天庇後浦人官金鎮左營把總咸豐間由福州駕戰船
出港至海山苦典洋艇匪三十餘隻圍之天庇奮力拒戰
被火燒死事聞 予卹襲如例

彭奪超字逾洛其先莆田人祖三達由武舉官金門左營
遊擊父朝俊官金門把總遂為金門人奪超少孤母撫之
長充金鎮左營校手屢隨實振彪巡洋以戰功拔補外委

金門志

卷十

忠烈

三十

遷把總疊署千總事咸豐三年海澄黃得美倡亂踞廈門
石碼等處總兵孫鼎鰲檄奪超署金門右營守備兼兵籌
餉獨肩其任擇要設營與軍士食息其間人心恃以不恐
賊黨林沙等以戰船犯中港及金龜尾後豐港勢張甚奪
超派兵分守以戰艦夾擊賊大潰伏誅廈門旋平久之巡
洋先後獲盜江錯林染林艾等升補南澳守備歷署金門
左右營遊擊同記名道張啓煊剿滅安溪賊首李興等
賞戴藍翎統帶師船赴東冲防剿艇匪同治元年護理督
標水師營叅將時髮逆竄擾浙豫間廷建土匪應之奪超
奉檄赴沙縣防剿遠斥墩勤巡哨嚴城守民倚為重所帶

壯勇四百名若保水堤新募市井之徒緩急難恃奪超以
賊勢甚熾屢請濟師勿應四月復賊糾集順昌諸匪進踞
漳墩知縣潘文鳳商由鐘石西霞兩路進師討之奪超直
趨漳墩戰方酣伏發我軍若潰左右請速退奪超叱曰我
已辦一死汝曹自為計遂大呼陷陣死之外委張占鰲額
外蘇呂均同時戰歿事予總督慶端奏稱彭奪超頻年剿
賊疊著戰功臨陣捐軀深堪痛惜請交部從優議恤奉
旨加贈參將銜照參將例卹賞卅襲雲騎尉子聯登襲

宣文集

印聯恩字傳堂提督良功子弱冠襲爵充乾清門侍衛道

全明志

卷十一

忠烈

三十一

光二十三年授通州協副將明年調河間咸豐三年粵寇
竄近畿聯恩帶兵赴直東交界畱智廟防備旋赴景州堵
剿擢南陽鎮總兵適楚皖髮捻並起河南當其衝聯恩赴
新野防次接篆擒捻匪丁心田於黃家庄 賞戴花翎時
粵寇猖獗由蘄黃直趨武漢聯恩駐師西雙河以禦之未
幾捻匪張落刑擾歸德橫行潁毫間巡撫英桂調聯恩往
剿連戰皆捷斬賊無算襄陽土匪起奉檄回救落刑乘隙
擾陳州聯恩兵至賊望風遁克鄧州聞賊由均州竄
回豫境復星馳回援大敗之斬擒首朱中立等落刑復擾
光固分踞淮河南北岸聯恩自鄧州迎戰於鳳尾集等處

賊大潰光固襄陽悉平掠聞 賞巴圖魯落刑竄正陽
恩興勝保夾擊破之復正陽旋擊敗捻黨于必陽銀銅山
餘匪窮蹙乞降許之調赴內鄉剿逸匪山路險絕冒雪攀
藤而行賊先期遁去英桂委剿辦選延摘翎頂聯恩度賊
必竄必陽倍道邀擊生擒捻首胡倫修等及老捻張汶成
等奏復翎頂駐汝甯粵寇陷麻城聯恩截擊之復麻城賊
再犯商城聯恩越山嶺歷八晝夜追敗之斬獲及落澗死
者甚多以逆首稽誅將赴陳州約皖軍合剿師次息縣巡
撫恒福調駐光州會落刑擾周家口分擊之賊夜遁正在
窮追而恒福調統全軍駐鹿邑于是落刑悍黨劉猗擁賊

金門志

卷十一

忠烈

三十一

突入豫境歸德被圍急督馬步四千馳援賊竄陷甯陵睢
州勢甚熾乃捲甲趨戰克二城斬首數千救出難民賊奔
鄆城巡撫劾剿賊遲誤奪職落刑糾大股匪竄踞舞陽之
北舞渡窺襄城謀北犯遣刑股賊由五溝營奔上蔡聯恩
令參將穆特布分兵追之而自督兵由鄆城一路轉戰於
西北驅賊往東南隅以前有沙河橫阻其可一鼓殲旃追
至北舞渡二十里之喫虎橋伏發我軍整隊迎擊殊死戰
會日向暮狂風晦暝隊不能收賊馬數千壓陣而下聯恩
立陣前指揮督戰見部將困賊中乃躍馬衝入賊陣欲救
之而賊至愈多圍數重馬跌遂歿於陣年四十八事聞

文宗皇帝震悼 詔復原官照提督例優卹謚武烈
賜祭葬如典禮 予騎都尉兼一雲騎尉世襲巡撫瑛榮
以中州紳民合詞請建專祠入奏 詔於殉難地方及原
籍立專祠旋以巡撫叢樹森學政景其濬奏請入祀名宦
同治元年 賜祭一壇朕恩本將家子行軍紀律嚴明所
至居民爭獻芻穀却不受兵勇皆感其威信遵約束廉俸
悉充軍餉在軍營六年與士卒同甘苦誓滅群賊既殉難
十餘日獲屍面色如生紳民祭歎如禮旅櫬歸時沿途哭
奠者不絕子三炳忠襲三等男爵炳信襲騎都尉兼一雲
騎尉

陳駿三
人陳駿三
撰墓誌銘

金門志

卷十一

忠烈

三十三

林茂生 董林人臺灣安平協標千總同治元年臺灣戴萬
生作亂從提督吳鴻源援嘉義進兵鹿仔草力戰沒於陣
事聞 賜卹襲如例

郭秉衡 後浦人臺灣安平協標把總戴萬生作亂從副將
林得成進剿於東大墩遇害 賜卹襲如例

林高山 吳允興俱後浦人為金門鎮標外委戴萬生作亂
從守備黃炳南赴鹿港帶隊剿賊奮勇敢戰俱受傷卒

李襄龍 字雲莘後浦人為金門左營外委 三年髮匪李世
賢竄踞漳州陸路提督林文察進軍瑞香亭敗績死之襄龍

以水師赴援戰歿陣中事聞 賜卹子承勳襲職雲騎尉